



O'ZBEKISTON RESPUBLIKASI MUDOFAA VAZIRLIGI  
KORRUPSIYAGA QARSHI ICHKI NAZORAT BO'LIMI

**ESLATMA!**

- ⚠ Porani yaqin odamingiz orqali berishadi va siz qamoqdasiz!
- ⚠ Hech kim andisha qilmaydi!
- ⚠ “Oxirgisi, boshqa olmayman!” demang, tadbir bo'lishi mumkin!
- ⚠ “Meni olayotganimni hech kim bilmaydi, shuncha olganimda qo'lga tushmadim-ku” demang, tadbir bo'lishi mumkin!
- ⚠ “Shunchasi olyapti-ku, men olsam nima qilibdi” demang, tadbir bo'lishi mumkin!
- ⚠ “Yaqin do'stim yoki qarindoshim orqali olyapman-ku, ular meni ushlab bermaydi” demang, porani begonadan olmaysiz-ku, yaqin odam sotadi!
- ⚠ Qo'lga tushganingizda kech bo'ladi, aniq afsuslanasiz! “Olmasam bo'larkan...” deysiz!
- ⚠ Oilangizni ko'z oldingizga keltiring. Siz panjara ortida bo'lganingizda ularning holi ne kechadi?

**Korrupsiya haqida xabar bering:**

📍 Toshkent shahar Mirzo Ulug'bek tumani  
Mirzor Ulug'bek ko'chasi 100-uy.

@ Elektron manzil: KQINB@mail.uz

📠 Telegram: +998(93)482-11-23

☎ Ishonch telefoni: (71)269-83-80, (63-80)

☎ Ichki nazorat bo'limi: (71)269-81-51;  
(97)140-78-44; (71)269-81-67; (97)770-34-43



## KORRUPSIYA, RAG'BATLANTIRISH TURLARI HAMDA JAZO MUQARARLIGI TUSHUNCHASI

### KORRUPSIYA O'ZI NIMA?

- ✓ “Korrupsiya” so’zi lotincha “corruptio” so’zidan olingan bo’lib, «buzish, sotib olish» degan ma’noni bildiradi.
- ✓ Korrupsiya – shaxsning o’z mansab yoki xizmat mavqeidan shaxsiy manfaatlarini yoxud o’zga shaxslarning manfaatlarini ko’zlab moddiy yoki nomoddiy naf olish maqsadida qonunga xilof ravishda foydalanishi, shuningdek, bunday nafni qonunga xilof ravishda taqdim etishi.

### SIZ BUNI UNUTMANG!

O'zbekiston Respublikasi Vazirlar Mahkamasining 2020-yil 31-dekabrda 829-sonli Qaroriga asosan, O'zbekiston Respublikasi Jinoyat kodeksining 167-moddasi 2-qismi “g” bandi, 168-moddasi 3-qismi “v” bandi, 192-9 va 192-10, 205, 209-214-moddalari hamda 301-moddasida ko’rsatilgan jinoyatlar korrupsiyaga oid jinoyatlar hisoblanadi.

Korrupsiyaga oid huquqbuzarliklar (jinoyat) haqida kechiktirmasdan xabar bergan, jumladan pora olishdan bosh tortgan holda xabar bergan harbiy xizmatchi, ishchi va xizmatchilarni – asosiy lavozim maoshining besh baravari miqdorida;

Korrupsiyaga oid jinoyatni tergov qilish va uni fosh etishda ahamiyatga ega bo’lgan dalillar haqida xabar bergan yoki bunday toifadagi jinoyatlarni tergov qilish yoxud tezkor-qidiruv tadbirlarini o’tkazishda bevosita ko’maklashgan harbiy xizmatchi, ishchi va xizmatchilarni – asosiy lavozim maoshining uch baravari miqdorida rag’batlantiriladi.

### JAVOBGARLIK VA JAZO

- ✓ Bugungi kunda pora olish, pora berish va vositachilik qilish jinoyatlari (Jinoyat kodeksining 210,211 va 212-moddalari) uchun amalda eng yuqori 15 yilgacha ozodlikdan mahrum qilish jazosi belgilangan;
- ✓ Hozirgi kunda 20 yilgacha ozodlikdan mahrum qilish jazosi bor;
- ✓ Korrupsiyaga oid jinoyatlarni sodir etgan shaxslarga nisbatan jinoiy jazoni o’tashda yengillashtiruvchi normalar qo’llanilishiga cheklovlar mavjud.



## KORRUPSIYA, RAG'BATLANTIRISH TURLARI HAMDA JAZO MUQARARLIGI TUSHUNCHASI

### MANFAATLAR TO'QNASHUVI NIMA?

“Manfaatlar to'qnashuvi” — shaxsiy (bevosita yoki bilvosita) manfaatdorlik shaxsning mansab yoki xizmat majburiyatlarini lozim dara-jada bajarishiga ta'sir ko'rsatayotgan yoxud ta'sir ko'rsatishi mumkin bo'lgan hamda shaxsiy manfaatdorlik bilan fuqarolarning, tashki- lotlarning, jamiyatning yoki davlatning huquqlari va qonuniy manfaatlari o'rtasida qarama- qarshilik yuzaga kelayot-gan yoki yuzaga kelishi mumkin bo'lgan vaziyat.

### TIZIMDA MANFAATLAR TO'QNASHUVINING TUSHUNCHASI

**Manfaatlar to'qnashuvida mansabdor shaxs** – doimiy, vaqtincha yoki maxsus vakolat bo'yicha tayinlanadigan, hokimiyat vakili vazifalarini bajaradigan yoxud Vazirlikda tashkiliy-boshqaruv, ma'muriy-xo'jalik vazifalarini amalga oshiradigan va yuridik ahamiyatga ega harakatlarni sodir etishga vakolat berilgan shaxs;

**xodim** – Vazirlik bilan mehnat munosabatlariga kirishgan shaxs;

**xodimning shaxsiy manfaatdorligi** – xodim tomonidan o'z xizmat vazifalarini bajarish doirasida uning yaqin qarindoshi yoki xodimga aloqador bo'lgan shaxslar tomonidan xodimning mansab yoxud xizmat majburiyatlarini lozim darajada bajarishiga ta'sir qilishi mumkin bo'lgan pul mablag'lari, moddiy yoki nomoddiy qiymatliklar, boshqa mol-mulk, boylik va imtiyozlar ko'rinishida shaxsiy naf olish imkoniyati (shaxsiy, ijtimoiy, mulkiy, moliyaviy, siyosiy va boshqa manfaatlari);

**aloqador shaxslar** – Vazirlik xodimi bilan tijorat tashkilotlarning ustav kapitalida ishtiroki;

**yaqin qarindoshlar** – qarindosh yoki quda tomondan qarindosh bo'lgan shaxslar, ya'ni ota-ona, tug'ishgan va o'gay aka-uka va opa-singillar, er-xotin, farzand, shu jumladan, farzandlikka olinganlar, bobo, buvi, nevaralar, shuningdek, er-xotinning ota-onasi, tug'ishgan va o'gay aka-uka va opa-singillari;

**urug'-aymoqchilik** – Vazirlik xodimining avlod-ajdodlari bir bo'lgan, bir sulolaga mansublik asosida uchinchi shaxslarga nisbatan subektiv, imtiyozli va noxolis munosabat shaklidagi shaxsiy manfaatdorligi;

**mahalliychilik** – shaxsni uning nasliy kelib chiqishi (aslzoda yoki mashhur sulola vakili ekanligi va u jamoatchilik tomonidan e'tirof etilganligi) hamda yaqin qarindoshlarining egallab turgan xizmat mavqe'i sababli, uning lavozimga qo'yiladigan malaka talablariga mos kelish-kelmasligini hisobga olmagan holda ishga qabul qilish, rotatsiya qilish va lavozimga tayinlash;

**kronizm** – do'stlar yoki ishonchli shaxslarga noqonuniy imtiyozlar taqdim etish maqsadida hokimiyat (lavozim mavqeidan) va obro'sidan foydalanish.